

KAUPHÖLL ÍSLANDS [Hlutabréf]

ICEX-15 6.403 -1,75% Fjöldi viðskipta: 633 Velta: 4.506 milljónir

MESTA HÆKKUN

HB Grandi 0,51%

MESTA LÆKKUN

Össur -3,91%
Bakkavör -3,17%
Dagsbrún -2,83%

HLUTABRÉF Í ÚRVALSVÍSITÖLU: Actavis 55,30 -1,43% ... Alfesca 4,00 -2,44%... Atorka 6,05 -1,63% ... Bakkavör 52,00 -3,17% ... Dagsbrún 6,53 -2,83% ... FL Group 26,00 -2,26% ... Flaga 3,85 +0,00% ... Íslandsbanki 20,10 -1,47% ... KB banki 921 -1,715% ... Kögun 66,50 +0,00% ... Landsbankinn 28,00 -1,75% ... Marel 68,30 -0,73% ... Mosaic Fashions 17,10 -1,16% ... Straumur-Burða-rás 19,00 -1,55% ... Össur 110,50 -3,91%

viðskipti

Umsjón:

nánar á visir.is

Peningaskápurinn...

Vinsælt sem Ericsson

Hlutabréf í FlyMe, sænska lágjaldafflugfélaginu, hafa hækkað um 300 prósent frá áramótum og hafa verið svo vinsæl meðal fjárfesta að veltan hefur verið álíka mikil og með hlutabréf í Ericsson. Griðarlegar hækkanir á hlutabréfaverði og umfangsmikið og flókið hlutafjárútboð hafa valdið mörgum miklum heilabrotum, meðal annars hjá fjölmörgum íslenskum fjárfestum og verðbréfamiðlurum. Þá var hlutaféð tífaldað og fengu þeir, sem áttu forkaupsrétt, að kaupa ný bréf á genginu þrír aurar sem var verulegur afsláttur frá þáverandi markaðsgengi. Margir sem keyptu sér hlutabréf í FlyMe á þessum tíma gerðu sér ekki grein fyrir því að þátttökuréttur í útboðinu var liðinn og keyptu því köttinn í sekknunum. Þeir sem seldu áttu hins vegar „kaupréttinn“ – seldu hátt og keyptu lágt!

Óttinn við breytingar

Gömlu hlutabréfin og þau nýju hafa ekki runnið



saman í eitt en það gerist á næstunni. Þannig eru tvenns viðskipti í gangi á sænska aðnum þótt um sömu bréfin sé að ræða. Gömlu bréfin kosta 8 aura en nýju hlutabréfin 6 aura. Þannig er hægt að kaupa nýju bréfin á 25 prósentu lægra verði. Afslátturinn var reyndar mun meiri í síðustu viku þegar nýju bréfin seldust á 7 aura en þau gömlu á ellefu. Hlutabréfa-sérfræðingur segir í viðtali við Dagens Industri að óvissan við breytinguna þegar öll hlutabréf FlyMe renna saman í eitt kunni að skýra þennan markaðsbrest; fjárfestar átti sig ekki á því hvert gengi bréfanna verði eftir samrunann.

MARKAÐSPUNKTAR

Hagnaður fasteignafélagsins **Stoða hf.** nam rúmum 2 milljörðum króna á síðasta ári. Þetta er 766 milljónum króna minna en árið á undan.

Evrópski seðlabankinn hækkaði stýrivexti á evrusvæðinu um 0,25 prósent í dag og standa þeir nú í 2,50 prósentum.

Alþjóðlega matsfyrirtækið Fitch Ratings segir að þremur stærstu bönkum landsins hafi tekist á síðastliðnum þremur árum að bregðast með betri hætti við sveiflum á gengis- og vaxtamarkaði hér á landi. Þá ítrekar matsfyrirtækið fyrra mat sitt á lánshæfismati ríkissjóðs þar sem horfur breyttust úr stöðugum í neikvæðar.

Hafna ásökunum um misferli í SPH

Eigendur Saxhóls vísa á bug ásökunum um að félagið hafi staðið í fjármögnun á kaupum annarra í SPH. Áttu einungis viðskipti með tvo hluti.

Jón Þorsteinn Jónsson, einn af eigendum Saxhóls og stjórnarformaður í SPV, vísar því algörlega á bug að félagið hafi fjármagnað kaup annarra aðila á stofnfjárlutum í SPH eins og kemur fram í gögnum sem Morgunblaðið hefur undir höndum og birt á fimmtudaginn.

Í tilkynningu frá Fjármálaeftirlitinu til ríkislögreglustjóra eru ábendingar um möguleg brot A. Holding SA og Haga, stofnfélaga Baugs, Byggs ehf., Saxhóls ehf. og Íslensk-ameríska ehf. og beinist rannsókn efnahagsbrotaeildar á meintum ólöglegum viðskiptum beinist meðal annars að því.

Saxhóll keypti tvo stofnfjárluti í SPH í nóvember fyrir 180 milljónir króna sem samsvarar

rúmum 4,5 prósentum stofnfjár. „Við greiðum fyrir þá á lögmannsstofu [Lögmanns Laugardal] og ég fékk greiðslukvittun fyrir kaupunum. Síðan átti að málið að fara fyrir stjórn SPH til samþykkis.“ Lögmannsstofan var milliliður milli kaupanda og seljenda. Einhverjar tafir urðu á því að ganga frá endanlegu framsali, sem fór fyrir stjórn SPH, og telur Jón að Fjármálaeftirlitið hafi ekki viljað heimila frekari framsöl.

Fjármálaeftirlitið óskaði eftir skýringum frá Saxhóli og fékk greiðslukvittunina í hendur. „Við áttum einungis viðskipti með stofnbref eins og gengur og gerist á hverjum degi á Íslandi. Þetta er bara fjárfesting, enda er Saxhóll fjárfestingafélag.“

- eþa



STEFÁN JÓHANNESSON STJÓRNARFORMAÐUR OG MAGNÚS V. SNÆDAL NÝR FORSTJÓRI Nýir eigendur og stjórnendur Tæknivals koma meðal annars frá Pekkingu.

Tæknival ætti að skila hagnaði í ár

Magnús V. Snædal, sem starfaði sem sölustjóri hjá Pekkingu, hefur verið ráðinn nýr forstjóri Tæknivals og tekur við af Sigrúnu Guðjónsdóttur. „Þetta er mjög spennandi tækifæri. Við höldum að Tæknival eigi mikið inni og sjáum fram á aukna veltu og sölu á lausnum fyrir fyrirtæki.“

Að sögn Stefáns Jóhannessonar, stjórnarformanns Eignarhaldsfélagsins Byrs sem keypti Tæknival ásamt öðrum fjárfestum, vænta nýir eigendur þess að fyrirtækið skili hagnaði á þessu ári.

Umtalsvert tap varð á rekstri félagsins á síðasta ári til viðbótar við tap fyrri ára. Stefán segir að efnahagur félagsins verði styrktur, enda muni viðsnúningur kosta peninga. Velta félagsins var um 1,1 milljarður á síðasta ári.

Áfram verður unnið að þeim aðgerðum sem ráðist var í undir stjórn fyrri eigenda. Félagið mun einbeita sér að fyrirtækjamarkaði og lausnum fyrir þau. Leigusamningur Tæknivals í Skeifunni er laus og er í skoðun að flytja höfuðstöðvar félagsins.

- eþa

Fimmtungur í Finnair

Beinn eignarhlutur FL Group ásamt framvirkum samningum er kominn í 9,4 prósent af hlutafé Finnair. FL Group hefur verið að auka hlut sinn jafnt og þétt í finnska flugfélaginu undanfarnar vikur.

Næststærsti hluthafinn í

Finnair er Straumur með um ellefu prósentu hlut þannig að íslensku fyrirtækin eiga nú um fimmtungu alls hlutafjár í finnska flugfélaginu.

Finnnska ríkið er eftir sem áður stærsti eigandinn en hlutur þess er um 58 prósent.

- eþa

Ríkið truflar peningastefnu Seðlabankans

Lítil útgáfa ríkisvixla vinnur á móti vaxta-hækkunum Seðlabankans. Ríkissjóður á nóg af peningum og Lánasýsla ríkisins gefur því ekki út vixla nema til að halda í horfinu. Vextir ríkisvixla eru komnir undir vexti á reikningi ríkissjóðs í Seðlabankanum.

„Auðvitað er þetta mjög bagalegt og truflar miðlunarferli peningastefnunnar þegar ekki eru til þau bréf sem vextir Seðlabankans þurfa að miðlast í gegnum og alvarlegt vandamál fyrir peningastefnuna,“ segir Arnór Sighvatsson, aðalhaffræðingur Seðlabanka Íslands.

Í síðasta útboði ríkisvixla, sem fram fór í byrjun vikunnar lækkuðu vextir þeirra um 50 punkta. Skortur á ríkispappírnum hefur valdið því að vextir þeirra fara langt undir vexti á millibankamarkaði og staðan er nú þannig að vextir á ríkisvixlum eru komnir undir vexti á reikningi ríkissjóðs í Seðlabankanum. „Það má hins vegar segja að ríkið hafi ákveðnar skyldur á þessu sviði og sjái til þess að fljóttandi markaður sé með þessi bréf. Þá er ákveðið vandamál að ríkisstjórnin skuli ekki hafa þörf fyrir þessa útgáfu, en það gæti verið þess virði að halda þessum markaði í gangi. Útgáfan má ekki eingöngu taka mið af þörfum ríkissjóðs, heldur þarf líka að taka mið af þörfum markaðarins,“ segir hann og bætir við málið sé enn til umræðu innanhúss í Seðlabankanum.

Þórður Geir Jónasson, forstjóri Lánasýslu ríkisins, segir lánsfjárbörf ríkisins nálægt því enga og



Í SEÐLABANKANUM Arnór Sighvatsson, aðalhaffræðingur Seðlabankans, svarar spurningum þegar síðast voru kynntar breytingar á stýrivöxtum meðan Davíð Oddsson seðlabankastjóri horfir á.

FRÉTTABLAÐIÐ/STEFÁN

því sé ekki þörf á útgáfu ríkisvixla. „Þetta er velgengnisvandamál fyrir skuldabréfaútgáfu. Í ár gefum við ekki út neinar nýjar skuldir heldur höldum bara í horfinu og breytum samsetningunni á lánasafninu þannig að við styrkjum þessa tvo markflokka ríkisbréfa. Til þess færum við einhverja 10 milljarða króna úr ríkisvixlum yfir í ríkisbréf, af skammtímamarkaði á langtímamarkað,“ segir Þórður og kveður þetta skapa ákveðin vandamál fyrir fjárfesta sem þurfa að hafa ríkisvixla í eignasafni sína, eins og til dæmis verðbréfasjóði. „Þarna er því hörð samkeppni og í raun svo hörð að kjörin á vixlunum sem við erum nú að bjóða eru þannig að vextir sem við greiðum af þeim eru lægri en vextir sem við fáum á reikningi ríkisins í Seðlabankanum.“

Þórður Geir segist ekki telja að lágir vextir í útboði ríkisvixla hafi teljandi áhrif á peningastefnu

Seðlabankans. „Þetta er ekki mikið magn, einhverjir fimm milljarðar. Bankastofnanir og aðrir eiga þess kost að kaupa innstæðubréf í Seðlabankanum sem bera töluvert hærri vexti en þetta. Fyrir bankana sjálfa eru þessi bréf ekki í neinni samkeppni við stýritæki Seðlabankans. Þessi markaðsbrengrun kemur meira til, að ég tel, vegna verðbréfasjóðanna.“ Hann segir stöðuna í útgáfu ríkisvixla hafa verið rædda í nóvember og desember síðastliðnum og stefnan ákveðin fyrir árið. „Þá stóð valið á milli þess að halda skuldabréfamarkaði í sæmilegu gengi og styrkja markflokka ríkisbréfa, eða horfa frekar á skammtímamarkaðinn,“ segir hann og bætir við að niðurstaðan hafi verið sú að skuldabréfamarkaðurinn skipti meira máli. „Ríkissjóður er bara í mjög góðri stöðu og þá verður að veða og meta hvort afla eigi fjár sem fer svo bara að sofa í Seðlabankanum.“

olkr@frettabladid.is

38 prósent hlutafjár í fyrirtækinu sem framleiðir Eve Online skiptir um hendur:

Novator kaupir CCP af Brú

VIÐSKIPTI Brú Venture Capital, fjárfestingarfélag í eigu Straums-Burðaráss fjárfestingabanka, hefur selt 38 prósentu hlut sinn í tölvuleikjafyrirtækinu CCP. Kaupandi er NP ehf., félag í eigu Novators, fjárfestingarfélags í eigu Björgólfs Thors Björgólfssonar. Björgólfur Thor á stóran hlut í Straumi-Burðarási.

Söluverðið er ekki gefið upp en Gísli Hjálmtýsson, framkvæmdastjóri Brúar, segir söluina í samræmi við þá stefnu að selja eignir úr eldra eignasafni félagsins, sem er í raun tvískipt. Eldri hlutinn var stofnaður upp úr Íslenska hugbúnaðarsjóðnum, Talentu og fleirum, en svo er sjóðurinn Brú 2, sem



HILMAR V. PÉTURSSON Hilmar er framkvæmdastjóri CCP, sem hyggur á landvinnu á heimsvísu og horfir sérstaklega til Kína í þeim efnum.

FRÉTTABLAÐIÐ/VALLI

er í eigu Straums og lífeyrissjóða og leggur áherslu á nýjar fjárfestingar.

Aðalfundur CCP, sem bjó til netleikinn EVE Online, verður haldinn síðar í þessum mánuði og má þá búast við mannaskiptum í stjórn, að sögn Gísla, en eignarhlutur Brúar hefur tryggt félaginu tvo af fimm stjórnarmönnum.

„Við óskum nýjum eigendum til hamingju með kaupin, enda teljum við CCP eiga mikla möguleika og bjarta framtíð,“ segir Gísli og áréttar að tekst hafi að tryggja rekstrarstöðu CCP bæði á kostnaðarhljóðinni, en einkum með fjölgun áskrifenda, sem nú séu yfir 100 þúsund talsins.

- ók